

hominem ab omni peccato immunem? Non vivitur cum perfectis hominibus, inquit Cicero l. i. offic. Sin posterius intelligitur, major est vera, falsa minor. Absit enim, ut omnes turpissimis sceleribus, scortationibus scil. homicidio, avaritia, &c. sint contaminati. Paucis: major loquitur de eo qvi omnium peccatorum est expers: minor de certis qvibusdam peccati speciebus.

6. *Qui non debent esse solliciti de vi-
ctu & cultu corporis, illi etiam nihil curare
debent.*

*Christiani non debent esse solliciti de vi-
ctu & cultu corporis. Matth. 6. 25.
E. nihil curare debent.*

Resp. Eodem morbo laborat. *solicitum es-
se enim dupliciter dicitur: vel de sollicitu-
dine necessariâ & mandatâ, qvæ respicit
cujusq; officium: vel de non necessariâ
seu prohibitâ, qvæ est diffidentia & despe-
ratio.*

7. *Quicunq; hominem indurat, ille est cau-
sa peccati,*

Deus hominem indurat, Ef. 63. 17.

E. Deus est causa peccati.

Resp.